

República Democrática Timor-Leste Anúnsiu iha Jornál

**BAYU-UNDAN**  
**CATERING, LIMPEZA NO SERVISU SIRA NE'EBÉ ASOSIADU**

Santos NA (19-12) Pty Ltd (Santos) mak operadór ba facilidade Bayu-Undan, ne'ebé lokaliza iha parte tasi-laran Timor-Leste nian.

Santos agora daudaun halo hela avaliasaun ba rekeztus servisu apoiu ba períodu restante husi produsaun no mós atividade sira Suspensaun Operasaun nian hafoin Bayu-Undan sesaun produsaun.

Rekoñese katak âmbito servisu Bayu-Undan nian ne'e sei realiza iha jurisdisaun eskruziva Timor-Leste nian, Santos hakarak identifika oportunidades ba atividade sira ne'ebé atu realiza iha Timor-Leste, tantu através partisipasaun lokál direta ka através partisipasaun husi empresas Timor-Leste nian ho modelu parseria ka aliansa nian.

Santos agora buka hela espresaun interese husi empresa sira ne'ebé nu'udar entidade devidamente inkorporadu tuir lei ne'ebé vigora iha República Democrática Timor-Leste nian no ne'ebé mak:

- iha kapasidade atu fornese diretamente bens ka servisu referensiadu ba Indústria Minarai no Gás nian no prienxe duni rekeztus mínimu ne'ebé mak define ona; ka
- iha parseria ka aliansa ho entidade seluk ne'ebé iha kapasidade atu fornese bens ka servisu referensiadu, no prienxe duni rekeztus mínimu ne'ebé define ona.

Santos observa katak Projetu ba Suspensaun Operasaun Bayu-Undan nian sei iha faze avaliasaun, no Anúnsiu ida-ne'e la kesi/obriga kualkér parte ida atu hahú halo atividades kontratasaun ruma relaciona ho kualkér âmbito traballu sira ne'ebé mak deskreve iha kraik.

## **Deskrisaun**

Catering no Limpeza

### **Ámbito inklui:**

- Fornesimentu ba servisu sira hanesan catering, limpeza, fase roupa (pesoál no jerál), koordinasaun ba lixu no supresaun ba peste iha facilidade Bayu-Undan.

### **Rekeztus Mínimu:**

- Fornese pesoál no sasán ne'ebé suficiente atu prienxe padraun hotu-hotu ba catering no no limpeza nian, consistente ho Austrália nia padraun ba catering iha tasi-laran, ba pesoál hotu-hotu ne'ebé serbisu iha facilidade Bayu-Undan. Totál POB (Pesoál iha bordu) sei varia hosi mínimu 40 to'o másimu 188. Ein jerál POB limitadu ba ema na'in 104 iha CUQ no 84 iha FSO inklui pesoál catering nian. Número ida-ne'e sei varia durante perkursu projetu nian no sei hamenus iha fulan sira ikus husi projetu nian.
- Fornese pesoál catering ne'ebé suficiente atu kobre pesoál sira iha Bayu-Undan ne'ebé hala'o operasaun oras 24/loron, loron 7/semana.
- Pesoál catering iha tasi-laran ne'e sei inklui, maibé la limitadu ba, Supervizór Kampu, Koziñeiru-xefe, Koziñeiru Senior, Pesoál Koziña, no Pesoál-Limpeza nian sira.

- Estabelese ekipa iha rai-maran hodi fó apoiu ba lojística husi pesoál catering nian sira iha tasi-laran.
- Fornese ekipamentu hotu-hotu kona ba catering nian (la inklui buat hirak ne'ebé atualmente iha tasi-laran) ba facilidade Bayu-Undan.
- Espesifika no fornese provizaun ai-han nian hotu-hotu hodi sustenta pesoál sira iha Bayu-Undan iha forma efetivu.

Nune'e ami konvida empreza sira, tantu mesak de'it, ka iha parseria eh aliansa ho empreza sira ne'ebé prienxe duni rekeztis mínimu hotu-hotu ne'ebé define ona, atu hato'o sira-nia espresaun interesse iha eskrita liuhusi email ka mai entrega direktamente, tarde liu iha loron **Sesta, 19 de Julho 2024** dirije ba Rulison Almeida de Jesus, Purchasing and Supply Officer.

Bainhira hatama espresaun interesse iha forma eskrita, Santos husu atu empreza sira indika klaramente títulu husi âmbito (sira) ne'ebé mak sira atu konkorre ba. Aleinde ne'e, submisaun sira-ne'e mós tenki suporta ho informasaun ho nível aas ka rezumu ida kona-ba esperiênsia, ne'ebé demonstra kumprimentu ba rekeztis mínimu ne'ebé mak kontein iha espresaun interesse ida-ne'e.

Enderesu Email: [ABUW.BayuUndanEOI@santos.com](mailto:ABUW.BayuUndanEOI@santos.com)

Enderesu Eskritóriu: Santos NA Timor Leste Pty Ltd, Apartadu 401, Andár 4 -CBD 3, Dili Sentrá Comoro/Edifísiu Timor Plaza, Dili, Timor-Leste.

*Objetivu husi Anúnsiu ba Espresaun Interesse (EOI) ida-ne'e nian mak atu apresenta âmbito traballu hirak ne'e hodi konvida partisipasaun husi sub-kontratór sira iha Timor-Leste.*

***Santos espera katak sub-kontratór sira sei fó liu preferénsia ba empregu lokál no mós, bens no servisu ne'ebé prodús iha Timor-Leste, ka fornese husi contratór sira ne'ebé halo operasaun fora husi Timor-Leste, naran katak bens no servisu hirak ne'e oferese tuir termus no kondisaun ne'ebé kompetitivu kompara ho hirak husi nasaun sira seluk, ho konsiderasaun ba atividades ne'ebé seguru no eficiente no mós prátika di'ak iha kampu petrolíferu.***

Anúnsiu ida-ne'e mós bele haree iha <https://www.santos.com/procurement/bayu-undan-opportunities/>